



## REQUISITOS PARA SOLICITAR O CERTIFICADO DE FAMILIA MONOPARENTAL

Lei 3/2011, do 30 de xuño, de apoio á familia e á convivencia de Galicia.

Sección 2.ª Familias monoparentais

### **Artigo 13. Concepto.**

*Para os efectos desta lei, enténdese por familia monoparental o núcleo familiar composto por un **único proxenitor ou proxenitora** que non conviva con outra persoa coa que manteña unha relación análoga á conxugal e os fillos ou as fillas menores ao seu cargo, sempre que o outro proxenitor ou proxenitora **non contribúa economicamente** ao seu sustento.*

Para estes efectos, teñen a mesma consideración que o fillo ou a filla:

- 1.º) As persoas unidas ao único proxenitor ou proxenitora por razón de tutela ou acollemento.
- 2.º) O concibido ou a concibida, sempre que mediante a aplicación desta asimilación se obteña maior beneficio.

Teñen dereito ao certificado de familia monoparental:

### **1. Cando no libro de familia só aparece un proxenitor.**

Deberá acompañar a seguinte documentación:

- Copia do DNI ou NIE da persoa solicitante.
- Copia do libro de familia ou certificado de nacemento dos fillos.
- Certificado de empadramento conxunto da unidade familiar.
- Declaración xurada ou responsable de non manter unha relación de convivencia análoga á conxugal.
- Certificado negativo de inscrición no Rexistro Autonómico de Parellas de Feito de Galicia. \*sede electrónica **PR212D**



## **2. Cando no libro de familia aparecen dous proxenitores, pero:**

**a)** Hai sentenza de divorcio ou separación ou convenio regulador (aprobado/ratificado no xulgado) e non figura pensión de alimentos por parte do outro proxenitor (se figura pensión de alimentos non son familia monoparental).

Neste caso debe presentar:

- Copia do DNI ou NIE da persoa solicitante.
- Copia do libro de familia ou certificado de nacemento dos fillos.
- Certificado de empadramento conxunto da unidade familiar.
- Declaración xurada ou responsable de non manter unha relación de convivencia análoga á conxugal.
- Certificado negativo de inscrición no Rexistro Autonómico de Parellas de Feito de Galicia.  
*\*sede electrónica PR212D*
- A copia da sentenza ou da resolución xudicial que estableza as medidas paterno-filiais dos fillos e fillas en común, acompañada no seu caso, do correspondente convenio regulador.

**b)** Hai sentenza de divorcio ou separación ou convenio regulador (aprobado no xulgado) e figura pensión de alimentos por parte do outro proxenitor, pero non a abona:

Neste caso debe presentar:

- Copia do DNI ou NIE da persoa solicitante.
- Copia do libro de familia ou certificado de nacemento dos fillos.
- Certificado de empadramento conxunto da unidade familiar.
- Declaración xurada ou responsable de non manter unha relación de convivencia análoga á conxugal.
- Certificado negativo de inscrición no Rexistro Autonómico de Parellas de Feito de Galicia. *\*sede electrónica PR212D*
- ***A copia da sentenza ou da resolución xudicial que estableza as medidas paterno-filiais dos fillos e fillas en común, acompañada no seu caso, do correspondente convenio regulador.***
- O certificado da/do letrada/o da Administración de xustiza, dilixencia, providencia ou documento análogo do xulgado que acredite que o procedemento de reclamación da pensión alimenticia está en curso (este documento deberá estar expedido dentro dos tres meses anteriores á data de presentación da solicitude).



### c) Falecemento dun dos proxenitores

Documentación a presentar:

- Copia do DNI ou NIE da persoa solicitante.
- Copia do libro de familia ou certificado de nacemento dos fillos.
- Certificado de empadramento conxunto da unidade familiar.
- Declaración xurada ou responsable de non manter unha relación de convivencia análoga á conxugal.
- Certificado negativo de inscrición no Rexistro Autonómico de Parellas de Feito de Galicia. \*sede electrónica **PR212D**
- **Certificado de defunción, no caso de que non figure no libro de familia.**

### - TRAMITACIÓN PARA A OBTENCIÓN DO CERTIFICADO -

- **SOLICITUDE:**

a) **Contido da solicitude:** (non existe un modelo normalizado de solicitude):

- O nome e apelidos e o NIF
- A solicitude do certificado de familia monoparental
- Indicación de se prefire recibir as comunicacións (e, no seu caso, o certificado solicitado) por medios electrónicos (a través da sede electrónica da Xunta de Galicia. Recibirá un aviso no número móbil que indique na solicitude) ou postal (neste caso, tardará algúns días en recibilo).
  - No caso de indicar a preferencia electrónica, debe indicar na solicitude:
    - O número móbil no que quer recibir os avisos de comunicacións electrónicas
    - O correo electrónico
  - No caso de preferir as comunicación postal:
    - O enderezo postal (rúa, concello, código postal, provincia)

b) **Presentación da solicitude.**

- **Por medios electrónicos:**
  - Cubrindo un modelo **PR004A** da sede electrónica da Xunta de Galicia (<https://sede.xunta.gal/tramites-e-servizos/solicitude-xenerica>) e xuntando a solicitude a que se refire o punto anterior e demais documentación.
- **Por medios postais:**



- Deberán remitir a solicitude a:

*Dirección Xeral de Familia, Infancia e Dinamización Demográfica (Familia Monoparental)*  
*Servizo de Apoio á Familia, á Infancia e á Adolescencia*  
*San Caetano s/n*  
*15781 Santiago de Compostela*

- **EMENDA DA SOLICITUDE:** No caso de que non achegue toda a documentación solicitada ou a solicitude adoeza dalgún defecto que poda emendarse, requiriráselle a través de medio de comunicación por vostede elixido, para que emende ou presente a documentación necesaria, dentro do **prazo de 10 días** seguintes ao que reciba a notificación.